

湖北金石志

金石志四

唐

襄州刺史鄒襄公張公瑾碑

佚

釋法琳撰蘇敬稚正書貞觀七年七月立碑今亡佚在襄

州

寶刻類編

重修金枝寺記

未見

金枝寺殘碑岑文本撰正書貞觀十年湖北襄陽

寰宇訪碑錄

馬案右金枝寺殘碑題重修金枝寺記未題唐貞觀十年

丙申歲中和月岑文本撰正書字徑九分碑久湮沒乾隆

五十七年冬江陵縣東南百二十里土人掘地得殘碑七

小塊共存九十字又不全四字按梁書南史梁無胡后昭  
明太子母爲丁貴嬪碑云胡太后不知所指又唐書岑文  
本傳文本棘陽人家江陵貞觀中代顏師古典詔誥號善  
職而敏速過之是記爲文本撰當是極描惜殘缺不能讀  
耳書碑人姓氏亦缺然結體雅勁有當時虞褚之風

湖北金石

詩注

### 法門寺記

佚

唐法門寺記沈季範正書貞觀十一年二月十五日立

復齋

碑錄

沈季範書貞觀十一年二月十五日在襄州

寶刻類編

### 眾造寺碑

佚

司馬秀辯撰文字競書貞觀二十一年四月八日立在蕪

州寶刻類編

仁壽元年碑

佚

仁壽元年碑在安州無撰書人名

張寅安州志

隋處士羅靖志

佚

處士以仁壽四年五月二十三日終夫人張氏於唐龍朔

二年終合葬於習池

復齋碑錄

襄陽有隋處士羅君墓誌曰君諱靖字禮襄陽廣昌人高祖長卿齊饒州刺史曾祖宏智梁殿中將軍祖養父靖學

優不仕有名當代碑字畫勁楷類循河南然父子皆名靖  
爲不可曉拓拔魏安同父名屈同之長子亦名屈祖孫同  
名胡人無足言者但羅君不應爾也隋書

隋處士羅君碑字畫可喜而不載昔人名氏初余至襄州  
刺史館余於州治之東地有木龕摩網如積埽滌而視之  
此碑也遂撫得之去年春余復有荆襄之行訪此碑則曰  
卒吏輩竇持不虔碎而棄之矣可謂不幸也昔林邑王楊  
邁死子咄立墓其父德改名楊邁昭穆兩世而一名余每  
笑歎謂天下事何所不有今羅君之父名靖而羅君亦名  
靖殊不可曉羅君以仁壽四年卒夫人以龍朔二年葬自  
隋仁壽四年訖唐龍朔二年則夫人之守志蓋五十有九  
年以壽終亦可尙矣集古後錄

六祖墜腰石題字

存題五字分書  
餘止書在黃梅

六祖墜腰石

龍朔元年

□黑齋居士蔣□勒石

塊石繩穿祖跡畱曹溪血□此中收應□一片東禪月□

□□□四百州

□□□四祖遠孫□□□□

曹溪通志師往黃梅五祖著槽廠去後至碓房見師腰石  
舂米龍朔元年師受衣鉢南歸石畱黃梅至明嘉靖間韶  
州人有仕黃梅者遂持歸曹溪今存焉中一行鐫師墜腰  
石廬居士誌八字右龍朔元年左桂林龔邦柱書按六祖

傳云造黃梅尋忍大師適咸亨二年也龍朔在咸亨之前  
十年石上之字當屬後人所刻故年月不符耳翁方綱粵  
東金石略  
出西郭門過東禪寺謁四祖五祖六祖像殿側竹園卽槽  
廠故蹟有六祖墜腰石尚宋志

荆南戒壇舍利贊

扶擇全唐  
文錄人

余等登趾荆岑搜討奈嶺承律謨於上德間所未聞稟清範  
於靈壇日新日損是以皇覺慈訓弘之在人祇樹高風幽心  
祥感幸逢嘉會痊靈骨於福壇元綱載維想德愷之未遠不  
勝手舞景仰神光敢述謠猷乃爲贊曰

覺智圓明應物唯靈非滅示滅無生現生爲人演法三學開  
津場壇肅穆戒德氤氲金河晦影鶴樹澄神能仁散體多寶

全身奇光照晰嘉瑞攸陳二端尙在八斛猶均厥後無愛爰  
初啟信近護分光靈墳是鎮靈墳現奇震嶺標基扶風散采  
淮海騰輝粵自荆岫尋眞太一希世之風載揚茲日壇模山  
像登頓有秩鎮以遺身幽誠云畢願言遐曠克念崇尙識鏡  
澄明心河靜浪庶劫名之方消醜神珠於妙相

戒壇舍利贊無行撰乾封中在江陵

金石錄

長樂寺鐘

佚

荆門軍咸亨鐘在長樂寺鑄字云咸亨十三年

輿地紀勝校咸亨

止四年此十字誤衍

延福寺浮圖記

佚



大唐延福寺浮圖記咸亨四年創沈長卿纂文張元靚書

在均州輿地碑記

延福寺碑

佚

沈長卿撰張元靚書上元三年正月在均州寶刻類編

延福寺碑在鄖鄉縣乾明寺上元元年王府功曹沈長卿

撰後火焚碑湮毀興國中僧海清于坎陷中依堵牆整之

如故輿地碑記

□嚴寺西德義社浮圖銘

佚

儀鳳二年四月八日立在鳳林山復齋碑錄

儀鳳鐘

失

儀鳳鐘唐元皇帝像及唐銅鐘在郡北龍興觀內有元皇帝像及唐儀鳳二年歸州刺史董寄生所造銅鐘重千斤

輿地碑  
記目

### 孝昌公許君墓碑

佚

安陸之東三十里乃唐許氏之塋域俗謂之相公林舊有孝昌公碑高六七尺闊三尺餘白石也吾聞石白者不泐村民輒異之或遇水旱則就禱焉治平中縣令張整言於太守周君燮且以爲玉碑輦而視之非玉也棲鄉校之南廡已而有欲用者方磨去十餘字會鄭獬以內相還里卜葬遽止之得不盡滅其文字後余遊宦歸見其碑悉爲人

曆治惟其額有書大唐孝昌父公許君墓碑九字恨無墨  
本以藏親友朱又叔見余屢歎乃出一本以遺余所存者  
序四百字銘二百八十六字耳文多缺落於序爲甚其可  
讀者有曰先王宅土仗懿親而建侯我后得人口關河而  
作牧七年入朝加授大中大夫使持節冀州刺史云云履  
直道於朱繩照全形於白璧抑貪競之俗恩浹二天屏權  
右之門威加重權又曰行趨露冕之檐坐列交衢之棘二  
年有詔追遷太僕少卿又曰長史公以儀鳳三年正月日  
薨於汾州之官舍春秋六十有二又曰嗣孫崇藝易州司  
馬五回軍使英姿外發靈鑒內融又曰趨毅梓之鄉關用  
標幽冀何止韋孟之光緒祖德垂裕後昆劉寬之傳芳故  
吏式昭往烈崇藝崇述崇烈云云銘曰炎圖括地姜汭流

天融斤孕火太岳飛煙絳諸帝若業冠象賢穎濯涵珍箕  
山韞寶儀刑邦幹經綸天造華陽啟國襄城訪道漢劍舒  
蓮周珪映藻運移赤野威懷楚望八翼飛正三刀集貺英  
蕤早舉仁風曉暢丹水濯圖黃星昭亮恩狎聖齒積恭龍  
躍銘旆雲道實享天爵青蒲奏牘赤野馳英陸剽桺兕水  
斯奔鯨閩區恩暴夏口先鳴晉俗康阜軒轡澄清金根按  
禁許謨鶴省蘭鈞書嚴鉤陳夜警軍容甚泰王功載清地  
軸東距天津南渡狼望云云按唐書許紹初爲峽州刺史  
封安陸郡公以破蕭鋠功擢其子智仁初以勳封孝昌縣  
公終涼州都督此碑乃智仁之墓碑也

塵史

啟法金銅無量壽佛碑

佚

張昌齡撰吳知禮分昌永清元年四月八日建

寶刻類編

啟法寺金銅無量壽像碑張昌齡文永清二年建在襄陽

龍興寺

輿地碑記目

襄陽孔子廟堂碑

佚

襄陽孔子廟堂碑于敬之撰正書無姓名垂拱元年立其

前題魯大司寇贈太師宣尼父孔某廟堂碑銘春秋之法

或書字或書名皆所以寓褒貶之意今敬之爲孔子廟碑

而斥其名何哉

金石錄

襄州刺史封公碑

佚

撰人姓名殘缺宋之慈正書垂拱元年十月立字畫頗佳

之慙之問弟也

金石錄

襄州刺史封公碑宋之慙書垂拱元年十月立在襄州

寶刻

類編

益功參軍張玄弼墓誌

存正書在襄陽張公祠

唐故益州大都督府功曹參軍事張君墓誌銘

并序

司元大夫李行庶撰

府君諱玄弼字神佳范陽方城人也閎閱遊宦之資詳之碣  
文別傳五歲而孤志學伏膺於大儒谷邠律律爲諫議大夫  
紬書秘府府君以明經擢第隨律典校墳籍八儒分畛五墨  
殊途劉歆析九流之區域鄭默辯三閤之同異五十五部卅  
四家訪圖書之新書禮窮莊敬覽南陽之統論易盡精微緘

贊秘文委漕前記並登靈府一以貫之逸思煙迴清飈霞舉  
言同神遇理叶而成七後職爲益州府功曹叅軍事以賢良  
徵冊入甲科未拜職以饒朔元季五⑤十九⑥終於洛陽春  
秋五十有五夫人吳興王氏以永昌三年九④三⑤終於私  
第春秋七十有九東之識不遠遠稟質愚昧茲詩禮之訓承  
顧復之恩早預微班驅馳賤役自禍蒼昊諸弟皆幼夫人勞  
斷織之訓深噬指之慈刻心提耳孜孜不倦今蘭發玉暉多  
從化往唯柬與晦僅存喘息三復規誡萬古不追奉夫人遺  
誨使改上新塋府君先窆南山今移與夫人合塋於安義縣  
西相城里之平原府君友人司元大夫李行廉撰銘柬之等  
不敢改易謹刊李銘以存不朽其銘曰

廷尉名卿東阿良相積慶鍾美清徽遐暢顯允哲人克標令

望憲章顏冉牢籠舒向氣芳蘭苾價重璵璠望之逾肅卽之  
也溫高情⑤舉逸調霞軒彫章綺合綉藻○繁爰鑒筌仕彈  
冠奉檄式佐名邦盤根遽析乃昇州部平反著績孰謂蹄涔  
能申海擊濯纓金狄主吏銅梁善立惟敬譙道以光白生虛  
室穎曜錐囊焚林⑥秀遠應明敷縱掉江波觀光洛浦調高  
文囿思盈書圖擢第金門淪軀泉戶未終干⑦俄成萬古弔  
賓絮酒貞龜卜筮風急長原雲伍荒埏佳城莫啓幽埏永閔  
⑧石圖徽芳塵不墜

予守襄郡之王寅春席子介石于田塍間得古碑三石又  
于臨漢門外得三石剔苔檢讀搨以示予一爲故唐功曹  
參軍張公⑨弼洎夫人⑩氏合葬墓誌銘蓋漢陽王東之  
父母也一爲處士景之則漢陽王之弟而功曹君之弟二



子一爲新定太守肅則漢陽王猶子其豫州鄆縣丞孚河南府參軍軫二碑一丁鳳巖一呂巖說謚則皆漢陽王孫也字迹完好逼近稽虞考其地爲樊西之長豐洲卽墓志所云安養縣相城里之平原洲屢爲襄水所齧不復辨三壟矣憶古墓犁爲田松柏摧爲薪之句不禁黯然今六石尙置樊城之跨鶴樓予以王有故宅在城外二里許後改爲衍恩寺康熙間太守尹會一祀王于其中因名張公祠則此石移置公祠廡下爲是事未舉適有武昌之行爰跋數語識之俾人知數石當與羊叔子墮淚碑同爭不朽矣

羊太傅祠前向有石幢宋慶曆七年范文正諸賢題名其上王阮亭過襄尙搨諸賢之姓名而去矧爲漢陽王父母若弟若姪孫墳中物哉嗜古者尙共寶之

長白興  
存跋

樊城郭西三里許今之長豐洲古屬安養縣唐漢陽王張公東之祖墓在焉而無知者考郡誌秦漢時萬山以東漢水之南爲襄境萬山以西漢水之北爲鄧爲郢三縣均隸於郡襄陽名縣自漢以來至今莫改鄧之爲縣不久卽廢西魏中改鄧城爲安養唐天寶元年又改安養爲臨漢貞元二十一年復改爲鄧城宋仍唐制兩縣分境而治南渡後始省鄧城入襄陽安養舊界今難悉考嘉慶間猶見南濱抵萬山里許洎漢水橫嘴十餘年中內圯者十餘里道光元年土人得唐時夏侯夫人梁君嘉運二誌石於水濱觀察吳公移置鹿門書院士林寶之璘每過讀輒興感焉今二月中同伯兄珩掃先祖墓尋視新淤舊地平野見誌石八片迴非俗物詢之居人十許年前得於頽岸三遷而

後至此璘心竊愛之恐其再沒風沙而難於移連屢商同志七月望日始踵前約是日以他事過襄又見三石於臨漢門外讀其文皆張氏瑩中故物問所自則亦今二月中漁夫得之北岸以待售者亟購之歸安置跨鶴樓誌銘篆蓋共得石十一片其字不名一體皆可臨塌夫疆域有沿革山水有崩淤古人立誌原以防滄桑之變易長豐洲廣袤數十里其中墓石何止千百而先後出諸水者僅此數片又皆張氏一門之物又皆爲璘見而集之是可異也新唐書載王世系與荆襄二誌繁簡不同斯石記事半爲諸書所失載張公功在社稷彪炳史冊府誌雖有墓在穀城涓口之說而徵考實無確據此不能無闕疑焉道光壬寅七月十七日記 壬寅二月初見河南府參軍諱軫一

石瞥眼相過寶光煥然如新發硎次日視之仍如常石此一奇也次獲新定太守臚暨參軍軫與夫人合葬二石塵沙瀾漫封埋尺餘鄉人漫指其處一掘卽是此二奇也再獲益州功曹參軍立弼暨處士景之豫州郢城丞孚三石於臨漢門外天方平旦余行本欲東若有人導之使西而遇斯石踰日余卽有千里遠行倘稍遲誤將恐不果獲矣此三奇也戊申所獲孝廉慶之秀士諱黠穀城縣令諱曠三石展轉購求之艱難更僕數而已酉所獲將仕郎敬之一石河伯風伯若或爲助不先不後不入他手此四奇也其中篆蓋或先誌銘而出或後誌銘而出上下十餘年相去十餘里合之若符均爲一家故物則又奇中之奇者焉張氏聚族而葬其後更有出者不可得知獨惜王之長子

著作郎諱漪一石爲廣西臨桂孝廉唐子實購去海豐吳  
公子苾方伯爲余轉求而不獲此其闕陷之處又余之不  
幸也然余有此幸獲不過一時之偶遇竊願後之君子重  
其人珍其石登之誌乘相傳不朽則更幸甚咸豐元年正  
月人日又記

席力  
璚跋

右張[玄]弼誌今在襄陽張公祠張氏諸誌先後出土詳席  
氏跋內世系表多闕譌分識於諸誌之跋而統係於此以  
資補正[玄]弼曾祖[弘]策梁岳陽王諮議參軍祖玠後周宣  
納上士隋巴州錄事參軍父則隋比陽澧陽二令[玄]弼六  
子長柬之字孟將相武后中宗漢陽王諡文貞贈司徒次  
景之字仲陽次慶之字仲遠次失名次敬之字叔寒將仕  
郎次晦之左率府兵曹參軍柬之二子長漪著作郎次嶧

漪四子長孚字孟信郾城縣丞次恭左補闕

誌作邵王府掾或非最後

之官當仍其舊稱

次騶荆府倉曹參軍次軫字季心河南府參軍

孚子綽軫子縉紹改名縉綽子迪嶧二子長愿吳郡太守

江南東道採訪使次黠字子敬愿八子煦殿中侍御史弟

八子曠字繼明穀城令曠子珣瑀瑑瑒景之子嶠嶠子述

晦之子肫字肫新定太守肫子回又表載東之之子有晉

州刺史琪者以珣瑀等名例之當是東之之[玄]孫行又載

漪之子有某戶部郎中異大理評事者亦誤據誌漪無是

二子也又載有名縵者當卽曠之誤耳

誌云闕闕遊宦

之資詳之碣文別傳則[玄]彌固有墓碑此其埋諸土中者

也碑碣不存或踏毀於神龍年間趙德甫書載有東之碑

係貞元十二年所追立谷那律新舊書有傳魏州昌樂人

嘗爲國子博士遷諫議大夫兼弘文館學士卅四家四十字卅黃山谷澹山巖詩二十作廿瞿氏謂詩體七字欠一字便不成句此誌卅四家句與上五十五部爲對偶亦欠一字可見古人不拘拘於是也贊卽贊字箱類與篋同義委豐疑卽委宛撰文者李行廉官司元大大考龍朔元年改諸司郎中爲大夫二年改戶部爲司元光宅元年改地官此誌尙稱司元者蓋行廉撰玄弼墓銘尙在芝南山之時故無一語及其夫人迨移與夫人合葬仍用前銘而東之自加序文故云東之等不敢改易謹用李銘也觀此又可知序文爲東之所撰矣誌又云奉夫人遺誨使改卜新塋府君先寢南山今移與夫人合葬於安養縣西相城里之平原而景之誌云以大周天祿之三季云⑤六⑥改卜

先墳於安養縣之西相城里則此誌之立亦在天授三年  
無疑永昌無三年永昌三年卽天授二年辛卯夫人卒於  
辛卯九月葬於十一月時用周正以十一月爲明年正月  
也武后以天授元年改國號曰周志書永昌不書天授標  
題稱唐不稱周東之誅武復唐之意已蓄於此時矣

處士張景之墓誌

存正書  
在襄陽

□處士張君墓誌銘

并序

君諱景之字仲陽功曹府君之第二子也沉默少言博涉史  
傳每慕於陵仲子之爲人好稼穡樂名教家無擔石之儲晏  
如也不應州郡之辟專以琴書自娛春秋冊有四以唐之咸  
亨四季十二⑤十二②卒於家子嶠志學而孤俯逮成立而



不悔禍俄隨怛化嗣孫逃歲在垂鹵奠酌攸託學龍孺範遙  
相彈附固乃哀纏中外痛傷心日者馮余與晦之以爲小季  
雖遽大暮同歸松城合地蒸蒸有寄乃以大周而殯之三年  
而④六⑤改卜先塋於安養縣之面相城里移諸兄弟並窆  
於新塋之內青鳥効告白楸速朽惟克典與孝經共而長而  
塋久乃爲銘曰念彼生涯循茲怛化川有閔水⑥無停駕共  
惜小季同歸大夜令範將煙霞俱遠儀形與炎涼並謝痛萬  
始之不畱獨汎瀾而長喟

右張景之墓誌在襄陽景之漢陽王東之之弟誌稱功曹  
府君者卽⑦弼也云移諸兄弟並窆於新塋之內者謂慶  
之敬之也景之及其子嶠其孫逃均可補世系表之闕具  
⑧弼誌跋中此誌卽東之所撰⑨弼誌云惟東與晦僅存

喘息此云余與胸之以是知之文云大周天授而蓋題大  
唐東之誅武之義已蓄於此三年正月卽二年十一月時  
用周正也後三誌同有篆蓋題大唐故處士張君之銘九  
字今未損得

孝廉張慶之墓誌

行正

唐孝廉張君墓誌銘

蓋篆書陽  
文有界畫

唐孝廉張君墓誌銘

并序

君諱慶之字仲遠功曹府君之第三子也儀形簡秀風神峻  
整引義望於留懷轉山泉於襟袖泛覽流略尤明左氏州辟  
孝廉不赴燒金未救夢珠微禍春秋冊有二以唐之咸亨四

平十⑤十七⑥卒於家以大周庶孫之⑦平山⑧六⑨與妻  
京地杜氏同改寔於安養縣而相城里君孝友之行行絕等  
夷仁恕之情超邁群輩而伯道不嗣仲宣無後彼蒼者而孰  
云報施援翰雪泣用銘幽礎其詞曰山以玉暉水因珠媚我  
有明拒蒸蒸匪置彼美仲予其心貞愿贈瓊化泣茲舟遂遠  
漢流東注駟岫而盤棗野風急鶴原⑩寒扣櫬遺車惟兄惟  
弟誰云不痛永絕遺體

右張慶之墓誌慶之亦東之弟世系表亦不載慶之辟孝  
廉不赴而誌益仍題孝廉字非實也

將仕郎張敬之墓誌

行正  
書

唐張敬之墓誌

蓋家書陽  
文有界畫

唐將仕郎張君墓誌銘

并序

君諱敬之字對容功曹府君之第五子也耿介不群文藻貫  
世年十一中書舍人王德奉聞其俊材當時有制舉而下奇  
佚召與相見賦城上烏勒歸飛二字仍遣七步成篇君借書  
於手不盈跬息其詩曰靈臺自可依爰止竟何歸祇由城上  
冷故向②輪飛王公嗟味乃推爲舉首文昌以其年幼第不  
入科以門蔭補成均生高第瓊將仕郎非□好也遂與諸兄  
紉校經史專以述作爲務唐咸亨四季七④十六⑤卒於家  
春秋廿五大周而殯之三季⑥六⑦改窆於安養縣西相  
城里君未及婚娶[盾嗣]永絕著書無荷戟之童刻石闕鬻環  
之女執奠惟弟紀德乃兄撫攬操觚晞咤橫集其辭曰楊童

不秀顏子木實妙跡蔡微神機入室嗟尔貞懿才高漢伏夢  
蛟翻紙雕就散筆其陳車夜動馬畏晨開議深自觀言窮蔡  
牽禍微斯石悲纏贈道行金素書留玉杯其漾池東驚騎  
山南抱燭乘埤隨連城碎楚蕭颼風隱蒼茫其緒仲子封子  
胡臨忍予其

石張敬之墓誌敬之亦東之弟表亦不載又案之弼誌云  
惟東與助伴存喘息此誌云執喪惟弟紀德乃兄則晦之  
乃敬之之弟四兄其名無從考矣云紀德云操觚則此亦  
東之所撰也竊謂慶之誌當亦東之所撰可意會而得之  
誌述城上烏一詩可供早慧之典故

著作郎張洵墓誌

書正

唐故朝散大夫著作郎張府君墓誌銘

蓋篆

唐故朝散大夫著作郎張府君墓誌銘

并序

姪子愿述

君諱漪字若水范陽方城人四代祖策從後梁宣帝入西魏  
子孫遂家襄陽焉隨澧陽令諱則府君之曾孫皇都督安隨  
郢沔四州諸軍事安州刺史諱匡弼府君之嫡孫特進中書  
令漢陽王諱柬之府君之家子天縱明達家傳孝友質而能  
史文而不華周舉成均進士擢第上聖歷封事一命懷州武  
陟尉後應長材廣度科再轉洛州登封主簿紉肅幾旬望雄  
臺省累遷左補闕擢惟焚侯緝我衮職而狡童怙寵頌人之  
萬多士側目莫之敢指君疾彼蠹政上害苗書帝嘉其言且

未能用除著作佐郎恩示累加實遠之也尋而盜有巨力將生大變故我王父昇堂秉鈞勦其凶邪有以興復狐鼠何有城社惟艱蓋老智謨之少壯決之內有獻納外則糺合匡定之力君叅半焉洎王父錫素受封恩欲別開君邑王父辭曰天飛聖也利見時也臣且饕竊漪何力之有焉帝曰曩在春間嘗見卿子敢言時事朕實拒之今乃同昇諸公果集是績真其地也卿奚讓焉對曰同室協謀父子偕邑非典也父執政子開封重嫌也恩實天啓人謂臣何頃首固辭然後迺已於是稍加朝散授大著作脩厥資也余後王辭廟堂恩拜奉郡君表乞扶侍采蘭樊沔無幾而太妃薨棘人欒、哀毀滅性未卒哭終於倚廬嗚呼痛哉壯年卅有七君丕承烈光克稟彝訓膚變詞罔翰飛天淵自祖及身皆秀才觀國遙源巨

浪三葉一枝故七涖官秩六承恩拜而典要有禮通變適宜  
所居之政皆爲後式雖光塵混物而而雅素恒真口絕薰味  
心多禪悅非夫體合道而行中摧歟曷替希聲將登大用天  
實冥昧降災鞠凶凡百君子靡不震悼夫人成紀郡君李氏  
皇朝瀛州司法叅軍昭信之女也洵淑且都柔嘉惟則詠采  
蘋而服禮示斷機而流訓隲有輯駟津無蔽山以開元廿年  
十一月廿五日寢疾怛化於靖安里之私館春秋六十二歲  
明年孟冬月才生魄與君合窆於相城舊塋王墳之甲從先  
也子孚悲跼軀歷荆府倉曹軀叅河府軍事不幸早世  
先夫人云亡孚郾城縣丞悲邠王府掾白華半落綵衣長罷  
陟岵奚望風枝結哀愿不天早歲無怙伯父垂訓嚴君若存  
惇生孤藐以至成立恩深罔極思報無階茹血申哀務傳家



政禮也銘曰

在咎震雷邁屯華夏王祖伯父克勤宗社翼戴飛龍肅清天下君臣一合名器無假譏搆于朝忠弃于野惟伯扶侍除官告罷太妃俄薨血淚文灑荼苦過制因淪大雅今則有之古所無也未謚忠孝空瑩松楸非斯慟焉孰可悲□

右張漪墓誌并篆蓋蓋在襄陽知著作郎之爲漪而誌石藏桂林唐氏後轉索得之而銘蓋俱全誌首行有姪子愿述字是撰文者爲張愿漪之從子也新唐書張柬之傳以愿爲柬之之子宰相世系表以愿爲漪之子二者互異而皆誤也漪四子表失載孚名表脫漏甚多已詳張玄弼誌跋此誌敘先世云四代祖策從後梁宣帝入西魏表作弘策字真問衛尉卿洮陽閭侯誌僅言策者避太子弘諱猶

袁弘機之稱袁機也表不言魏者當是魏未受官之故張點誌又云六代祖策去西魏自南齊遷宦弈葉因家樊沔表不言齊與不言魏同張軫誌又云五世祖策隨梁北歸寓居襄陽因爲此土舊族詳略各殊尙無不合張曠誌又云五代祖策梁岳陽王諮議參軍贈持節蔡州諸軍事蔡州刺史則與表所稱衛尉卿洮陽閔侯者不符當以誌石爲正漪舉長材廣度科見於玉海終唐之世膺是選者只漪一人唐時制科名目不下六十餘選舉志不具備也誌云狡童怙寵云盜有巨力云勦其凶邪有以興復卽誅二張事考束之引疾在神龍元年新書傳云漪以著作佐郎侍父襄陽誌云表乞扶侍與史貽合惟據誌已授大著作而傳猶稱佐郎是新書之誤舊書傳無佐字誌云無幾而

太妃薨又云未卒哭終於倚廬是漪之卒當在元宗初年  
此誌立於開元廿一年者因其夫人李氏合葬而追述之  
也舊書傳云柬之特授襄州刺史又拜其子漪爲著作郎  
令隨父之任柬之至襄州有鄉親舊交抵罪者必深文致  
法無所縱舍子漪恃以立功每見諸少長不以禮接時議  
以爲不能易荆楚之剽性焉誌云疾彼蠹政上害苗書是  
漪亦錚錚有聲者向非此誌之顯於後代漪亦徒有惡名  
矣誌用詩句傾人之蒿考毛詩作過韓詩作颺此作蒿或  
本於齊魯兩家可補引經異文之一條說文無蒿字又可  
知過蒿同字常用過爲之也篆當卽𠂔字通變適宜變字  
添註於通適二字之間而雅素恆眞上衍一而字口絕蕪  
味蕪葦之古通儀禮士相見禮膳葦注云古文葦作蕪漢

霍去病傳所獲輦允之士注云輦與薰同文選養生論薰  
辛害日注云薰與輦同又禮記內則注一熏一廂卽一薰  
一蕕而釋文云熏本作輦亦一佐證

河南府參軍張軫墓誌

存正  
書

唐故河南府參軍范陽張府君墓誌銘

并序

呂巖說撰

君諱軫字季心其先范陽方城人也九世祖貞仕宋南徙五  
世祖策隨梁北歸寓居襄陽因爲此土舊族先考漪朝散大  
夫著作郎大父諱來之特進中書令漢陽郡王曾大父諱玄  
弼益府功曹贈都督安隨郢沔四州諸軍事安州刺史皆諸  
侯之選朝廷之良矣君著作府君之第四子也孩而岐嶷小

而穎亮卓犖機鑒汪洋德聲人難其才共許遠大年九歲以  
母氏宿頓固請爲沙門自削髮緇流持衣紺宇內求三藏之  
實外綜六經之微蹈其玄赜得其深趣蓋以爲攝慧乘者良  
已以匪物知理道者從義以適摧況乎祖之謀孫初聞遺旨  
兄之誠弟再有忠告者哉所以曳長裾遊太學不詔不黷爲  
寵爲光尋以進士甲科拜河南府參軍事參彼都輦萬方是  
則分茲奉已四海能均雖曹參以獄市留心魯肅以國倉濟  
友未足侔於古也春秋世有六以開元廿年六月五日因調  
遣疾終於洛陽陶化里之私第禍霜露顏回之才不幸歟  
興筵几孫楚之涕無從越開元廿一年十月十六日改祔于  
本郡安養縣相城里先祖之舊域禮焉君立身謙和爲性孝  
友兄弟溫如也鄉黨穆如也始以甘脆靈奉至行樂於晨昏

終以醕醑養閑深仁絕於羶血斯志固不可得而言已嗣子  
緝紹等風訓有紀義方成素其在哀疚遠近傷之嚴秩自衡  
閩道山襄漢撫嵒孤以哽咽跂楊塚而遲迴漬絮非馨柔毫  
可奠永惟陵谷無□丹青詞曰

堂々乎張川岳降神文華經國孝友謀身我才以通我命以  
屯三魂爲主回體爲賓古樹蒼々幽火燐々冥漠千世悲涼  
萬春樊鄧之郊周楚之津紀此罔□卬予故人

右張軫墓誌誌稱軫官河南府參軍與世系表合編字不  
見於今字書蓋卽局之俗體爲寵爲光卽詩之爲龍爲光  
也可補入詩異同考詩長發何天之龍箋云龍當作寵大  
戴記引正作寵易師永天寵也釋文云寵王肅作龍皆其  
佐證

秀士張黠墓誌

存正

唐故秀士張君墓誌

井序

君諱黠字子敬其先范陽方城人也軒轅錫族司空分派繁  
衍光大自北徂南九代祖貞後西晉入東晉六代祖策去西  
魏自南齊遷宜奔葉因家樊河祖漢陽郡王中書令柬之佐  
命元勳建封立廟服器有其子孫其昌父嶧則王之第二子  
君則王之第七孫渥注跡且有權奇也丹穴綽羽異竇翥也  
學詩學禮舞象舞喬克孝克溫日肅日厚成童未冠遭疾而  
終誰與聰明不假眉壽先天二年八月十六日廕于私第時  
年十七開元廿一年十月十六日改殯于安養縣而祖先墳  
禮也祔祖廟祭也嗚呼哀哉君之兄駕部郎中愿痛萼跼之

不祿悲涕泗之無從銘曰

陟彼先塋東面墜之伊何君子左右位之成童脩德痛幽閔之棠棣之華上春墜之

右張點墓誌點東之之孫嶧之子愿之弟也宰相世系表不載其名誌敘先世云九代祖貞從西晉入東晉據世系表所載點之九代祖名與不名貞又別無名貞者此與表異張軫誌亦云九世祖貞仕宋南徙軫於點爲同祖昆弟疑表有誤然此云入東晉彼云仕宋所述尤復異辭據表所載仕宋爲濮陽太守者名次惠於點與軫爲八世祖亦不脗合闕疑可耳又云六代祖策去西魏自南齊案策表作弘策係點之五代祖洵誌稱四代祖軫瞻二誌並稱五代祖此作六者誤又表載仕齊爲鎮西將軍者乃弘籍非



弘策也蓋亦誤矣座于私第之座當是卒字之誤

郾城丞張孚墓誌

格正書

唐故豫州郾城縣丞張君墓誌并序

姪繹述

君諱孚字孟信其先范陽方城人也曾祖國弼益府功曹贈  
安隨郾河四州諸軍事安州刺史祖柬之特進中書令漢陽  
郡王父漪朝散大夫著作郎公著作之元子幼而明敏長復  
剛斷年十八以門資齋郎常選廿而孤神龍後諛諛間豐家  
遇屯剝今上登極昭洗舊冤合門長幼悉皆拜職君授隨州  
司倉參軍泉貨是司出納惟允邦君坐囑邑吏行謠旋屬校  
察劉商有怨先子誣以他事免君職焉君會無愠容退返初

服婆娑里閨不以屑懷無何五嶺塵飛將軍授鉞決勝之榮  
君能贊謀獻捷之辰疇庸是寵拜錄用復拜豫州鄆城縣  
丞焉此縣陳宋之衝淮河之會舟車輻委殺盜肩隨君正色  
臨人剛腸疾惡奸豪服栗伏竄他境而渠魁十輩猶離跂於  
其間君乃設摘伏之科正繩愆之准擒之匪日聚以殲旃藿  
蒲中清犬不夜吠復丁家艱去職以開元廿八年六月十四  
日遭疾終於故里私第春秋五十有八

夫人呼延氏故亳州鄆縣令謀之女備習禮法潔羞蘋藻事  
姑以孝訓子能慈後公喪十四日終於私寢嗣子純旣及壯  
年先秋徂謝孫迪承其祀焉詞曰

餘慶未已厥生君子位不充量沒恨泉裏其一夫人禮則當時

見美同穴茲辰徽音用紀其二

右張孚墓誌姪縉撰文孚漪之子縉軫之子孚子紉紉子  
迪世系表均失載已具前跋地理志鄆城屬許州此誌云  
豫州鄆城縣者長慶元年始以鄆城隸許州也志於鄆城  
下云武德四年以鄆城邵陵北舞西平置道州貞觀元年  
州廢省邵陵西平入鄆城隸蔡州案貞觀開尙稱豫州至  
寶應元年始改爲蔡州此誌立於開元廿八年故稱豫州  
鄆城縣焉後此四十年復置澠州又後五年乃廢澠而隸  
蔡州又後四十五年乃隸許州

河南參軍張軫妻邵氏合祔誌

存正書  
有界格

唐故河南府參軍張君墓誌

并序

鄉貢進士丁鳳撰

君諱軫字季心其先范陽方城人也曾祖玄弼皇秀才權第  
拜長安尉益府功曹贈都村安隨郢沔四州諸軍事安州判  
史祖柬之秀才權第宗社艱難時危反忤特進中書令監修  
國史上柱國漢陽郡王本州刺史食封七百戶碩德金章勳  
庸茂績傳諸國史脩列先碑父漪秀才權第朝散大夫著作  
郎佐父潛謀能安漢室建策除呂獻議如昌功亞朱虛侍歸  
跡受君則著作之第四子聰含誕孕度積公忠體峻晴峰神  
高秋色傳母滋乳羶腥靡嘗岐嶷有成詩書便覽往昔中宗  
復辟耶黨構端大父被奪鳳池歸來典郡見君性不食肉幼  
及成童奏爲梵苑沙門配居龍興精舍載雖及紀材必爲時  
君謂釋門之道也祈沒後之因儒門之教也救當今之弊脩  
惠狹於善已濟世博於蒼生返初服於巾簪捨緇流而冠帶

屬天波昭滌祖盾立宗支子從班大才誰繼喟然曰吾當檀  
鴻筆取青蒸卽冑太學權秀才無何拜河南府系軍以秀才  
有後也況官系河尹攝綰府曹墳藉文章儒宗墨客虛心待  
士散俸歸仁餘慶未融斯文乃喪味不知穴以逮于終以開  
元廿年六月五日適疾不祿於洛陽陶化里私第春秋卅六  
嗚呼知音者莫不云變風雅之篇什稟江山之清潤方經國  
而可大尚沈跡而未尤痛昭世之早辭乃邦家之殒瘁有集  
三卷行於代

夫人安陽邵氏脩佩針管脩盟組紉事姑側聽於鷄鳴作嬪  
潔羞於苕菜訓子得義方之勲孀居存師傅之儀早歲專德  
於公官晚載循心於釋典以天寶四載六月十七日寢疾終  
於故里私第享年卅有九越天寶六載十月十二日合祔于

安養縣相城里先祖之舊塋禮也嗣子曰繹曰縉縉々相撫  
哀々相次愷悌孝友閎禮言詩旣積學而含章亦高墉而射  
隼女也事夫終遠弄瓦杼卑相對悲號皇々鵠慕將題實錄  
用敘哀詞銘曰軒轅垂裳支裳分張子孫范陽奔萊全昌從  
宦遷徙茅社金章其猗歟君子炳靈代述文章宮徵弱歲異  
此不食于肉歸於糴子其飜飛國庠擢秀明敷繼業照芳叅  
卿洛陽嗟乎中折梁壞人亡其夫人婉德禮全內則母儀柔  
克嗣子食國駢馳文墨呱々相向銘誌將勒其

四

辛丑春道出樊城適門人張子黼司鐸襄陽夜渡漢水過  
訪出唐碑拓本九紙見貽皆張漢陽先世暨裔孫墓誌蓋  
張氏族葬漢岸道光十二三年間漢水齧踰岸趾土人獲  
九石移之漢陽王祠字跡完好未經椎楊也故自來收藏

金石家皆未著錄此三紙乃其中幅之最小者無書丹人

姓名而筆法適媚唐碑之絕佳者可寶也

吳文鑑跋

右鄉貢進士丁鳳撰河南府參軍張君墓誌張君爲漢陽

郡王東之之孫諱祚字季心著作郎漪之第四子誌謂祚

性不食肉成童卽奏爲梵苑沙門配居龍興精舍後天波

昭滌祖廟立宗乃返初服卽冒太學舉秀才拜河南府參

軍雖易緇爲官仍復茹素故誌有味不知肉以逮於終之

語開元二十年終於洛陽陶化里夫人邵氏後十四年至

天寶四載乃歿越二年合塋於安養縣祖墓按安養縣隋

屬襄陽郡卽今之襄陽縣也碑以庾作慶突作肉與史晨

後碑香酒羹肉之肉又異

十二硯齋金石過眼錄按張

誌也敘彰事蹟用誌略同惟此誌云進士甲科前誌云擢秀才爲異耳前誌云嗣子經日經

緒當卽紹之改名者世系表均不載地理志襄州鄧城下  
云本安養天寶元年日臨漢此誌刻於天寶六載猶稱安  
養則志謂天寶元年改者未確矣古肉字見於淮南子  
吳越春秋諸書漢碑又作突本州下缺一字據史知是刺  
字補訪碑錄載張軫志不注撰人名而以此志爲張軫弟  
二志標題矣復以軫志撰文之呂巖說註此志之下而顛  
倒其名誤之誤者也

### 新定太守張肫墓誌

存正書間涉  
行體有界格

### 大唐故張太守之墓誌

蓋分  
書

唐故太中大夫守新定郡太守張公墓誌銘

并序

公諱肫字肫其先范陽人也馬渡丹陽龍戰河洛煙塵北擁  
冠冕南遷今爲襄陽人也曾祖則隨阬陽縣令祖[玄]彌皇益  
州功曹叅軍贈安州都督父晦之桂方[正]字左率府兵曹參



軍伯父柬之中書令漢陽郡王贈越州都督狀危宗社勳庸  
太常初公父早亡伯父進養諸呂殲滅大漢分圭茅土錫封  
奏公授職詔授荊州參軍後韋氏臨政虺變爲蛇公授撫州  
參軍累貶也又試太子通事舍人來復也又授將作監主簿  
再太子僕寺丞太子文學檢察浮費司供輿馬黃中有理堂  
上柑頭轉定州司馬邢州長史朝散大夫涇州別駕鶴來薛  
海朱紱加榮輿舊見題佩刀是贈又拜梁州刺史涪陵郡太  
守零陵郡太守臨川郡太守新定郡太守蜀山雲平非無叱  
馭湖水天浸豈憚洪波江南聽采菱之詞成中和之曲新安  
逢江水見底比清鏡豈如太夫人韋氏安府戶曹玄寶之女  
封馮翊縣太君子貴也板輿侍奉豈獨長筵束氈有詞何輶  
舊賦公稟休和之氣降山岳之靈忠孝事於君親愷悌施於

邦國惜其大位未繼泉路遽隨以天寶十載六月廿四日遇疾薨於新芝郡官舍春秋五十有六諸侯之禮國典備儀道路有瑞鹿隨車黎人悲父母奚若夫人隴西李氏隴西郡君夫榮也刑部尙書虬祐之孫相州堯城縣令昭禮之女中書令昭德之姪女能事組紉明閔詩禮令德贊於從職淑善穆於宗親天平降災殞斯貞嚴以開元廿一年八月三日先公而亡以天寶十二載八月廿六日合葬於臨漢縣平原禮也嗣子 equal 樂樂棘容哀哀相次迺馨香其實錄將刊刻於石

詞銘曰

猗公命氏偉乎邈遐勳庸列主維體分龍世業弘大忠孝渚嘉官政多歷斯緩光華沂海可詠專城累加天道不憖梁木空嗟其一夫人隴西寔惟公族尙書祖理中書伯錄體德柔順

瑤姿令泝如月之皎如鴈之育內則事姑齊詩在祿誰謂奉

倩先悲瘞玉

其二

嗣子樂樂幾不滅性稟孝純至執容瘠病哀

彌泣血象設惟命毋訓義方愼終善令女也摧毀施于莊敬

樹斯文於不朽紀

勳

業而貞心

其三

右張朏墓誌在襄陽誌敘朏之先世云曾祖則隋毗陽縣令與世系表及張漪誌稱澧陽令者不同張曠誌又稱比陽澧陽二縣令蓋先令比陽後令澧陽此稱毗陽於例不合隋書比陽屬淮安郡後魏曰陽平開皇七年改饒良大業初又改今名比毗之本字楚辭朝搴毗之本蘭兮謝朓詩毗山起朝日廣韻毗山在楚南說文無毗字今得此及張曠誌知毗字古人作比後人加阜旁耳又云父晦之桂方正字左率府兵曹參軍世系表失載東之贈越州都督

亦不見於史傳當是後來追贈莫考其時或卽在賜諡文  
貞時也又云夫人隴西李氏相州堯城縣令昭禮之女世  
系表乾祐下失載昭禮可據此補之表稱丹陽李氏此稱  
隴西者從其朔也隴西四房一武陽二姑臧三燉煌四丹  
陽也又云嗣子回等則肫之子不獨一回故銘詞內有如  
鴈之有語然不可考但補一回於表而已詳具<sub>方</sub>弼誌跋  
又案諸誌皆云葬於安養縣而此獨稱臨漢者天寶初所  
改名也

襄陽郡張君誌蓋

存篆  
書

亦唐憲陽縣志周書誌

蓋篆  
書

大唐襄陽郡張君墓誌

右張君誌蓋在襄陽此漢陽王之族人不系官爵蓋未仕

也張氏諸誌中無爵者不少無庸強定為何人核襄陽張氏徙自范陽方城晉太傅華後四傳至安之祖居襄陽遂為軍族今新書世系表首列安之張氏諸志均溯厚實策今據以立表以補世表之闕

表以補世表之闕

增張氏世表

弘策	安之子	字真簡	梁衛尉卿	侯陽	閔
圻	後周宣	納士	隋巴州	軍	南監本
則	隋北陽	禮陽	世表	紀	唐書作
之	字神	長安縣	功曹	年	今據張州諸軍
弼	字孟	相武后	中宗	同	文貞
東	東之	字名	水	洛	封主簿
之	字名	字立	字立	字立	字立
游	字名	字立	字立	字立	字立
字	字名	字立	字立	字立	字立
紕	字名	字立	字立	字立	字立
迪	字名	字立	字立	字立	字立

陽令

校志石  
今行長  
安縣尉  
據張睡  
志補贈  
都督安  
隨河郢  
四州諸  
軍事安  
州刺史  
據張洵  
張軫張  
孚張睡  
志補入  
張肅志  
又作安  
州都督

舉最後  
之官志  
石今行  
據補  
郗王府  
掾左補  
闕按

世表紀  
左補闕  
郗府掾  
據張洵  
志補

勳

洵三子

荆府倉  
曹參軍

軫

縉

洵四子  
軫子

河南參  
軍據張  
軫志

紹

東之次

愿

照

軫次子  
軫據張  
軫志補  
軫夫人  
邵氏志  
又作緒  
蓋後改  
名

嵯子駕殿中侍  
部郎中御史  
曹婆等  
十一州  
刺史吳  
部太守  
慕江南  
東道二  
十四州  
朱訪黜  
陟使  
據張照  
石今存

珣

璠長子

璠

璠次子

璠

志補世世表作昭三子

系表以總誤

愿為洵

子誤

璟

點

字子敬

尉

壽安

有按志

志不詳

據補

其官新

傳

書五王

三年詔

傳開成

東之四

世孫憬

為壽安

尉即此

人而璟

誤作憬

舊書不

誤

景之嶠

遜

固弼二

景之子

嶠子

子字仲

據景

據景之

陽按之

志補

志補

志石今



存

慶之

國弼三

子孝廉

石今存

敬之

國弼五

子將仕

郎按

志石今

晦之肱

國弼六

子桂方

正字左

率府兵

回

肱之子

子荆州撫

志補

太子逆

曹參軍舍人	臧志補主簿太	弼按玄子僕寺	弼六子承定州	第四子司馬那	失名
-------	--------	--------	--------	--------	----

涇州別駕梁州刺史涪陵客陵臨川新定太守	石按志	據補
--------------------	-----	----

按志中可見者均表出世表尙有琪晉州刺史以瑯瑤等名  
 例之當是東之元孫又澗之子某戶部郎中昇大理評事前  
 志無此二人  
 當是表誤

# 金泉寺石幢刻字

佚

寺在德安府西五里有石浮圖九級上鐫數百字周武后  
延載元年安陸長孫達等所建

輿地傳  
記目

襄州靜眞觀碑

佚

大周靜眞觀碑何彥先

原作  
光

撰正書無姓名登封元年二

月立

金石  
錄

周襄州靜眞觀碑何彥先撰登封元年立碑在府中武后

時碑也

輿地傳  
記目

蔡女仙者襄陽人也幼而巧慧善刺繡鄰里稱之忽有老  
父詣其門請繡鳳眼畢功之日自當指點旣而繡成五綵  
光煥老父觀之指視安眠俄而功畢雙鳳騰躍飛舞老父  
與仙女各乘一鳳昇天而去時降於襄陽南山林木之上

時人名爲鳳林山後於其地置鳳林關關南山側有鳳臺  
敕於其宅置靜真觀有女仙眞像存焉云晉時人也仙傳拾遺  
旌表尹孝子碑

佚

不著書撰人名氏闕文凡十二字曰大唐孝子四葉旌表  
尹仁恕闕其後有記仁恕曾祖養伯字嗣宗祖忬字守忠  
父慕先字冬筠仁恕字南金皆以孝行被旌表仁恕闕以

天寶五年立

集古錄目

孝子尹仁恕旌表闕文行書

金石錄

張柬之文萬歲通天二年立今在府中

輿地碑記目

尹仁恕曾祖養祖忬父慕先一門四闕

小學紺珠

尹氏四世孝德唐書弗載其見于諸書者亦互有異同養

他書皆作嗣宗忬字守忠一作守均慕先字冬筠一作恭  
先仁恕字兩金一作南金素詳孰是又元人重建尹氏孝  
德記及襄陽府志止載忬以下三世事蹟惟萬姓統譜首  
列嗣宗始備四世惜不得張文貞記一考正之也

金石存佚考

荊州大崇福觀記碑

佚從文苑  
英華錄文

維大周揖讓受唐有天下十載施化育德揚光顯仁天下咸  
和中外胥謐僊門法寓擇固不暨焉若無上太祖孝明皇帝  
神明睿哲龍德而隱君子勿用一作我諸宮歲蕤春風靈  
霖時雨謳歌歸之允矣太王王季岐鎬之漸也於戲西伯潛  
聖而遺其三齡故我太祖始安時處順乘彼白雲以歸帝鄉  
方域之人嗟咨涕洟靈魄罔邁迺以珠襦玉匣閔茲衣冠穀

林方崇喬山未掩龍輶梓寢在茲觀者七月焉蘇滅化比顏

塗暨積逮皇帝順人樂推鳳翔虎變追革顯號崇祀于明堂

躍誠

疑作試易或躍淵自試也

所慙莫不昭晰

一作時

寵光也張史田農楊

元睽雅量川溶貞節嶽立有倚相墳典之博子囊增名之忠

遂稽皇圖徵文獻以爲會稽之廟大庭之初其事上矣乃表

上遺蹟祈飾山階司賓卿于惟謙地官主事魯元傑咸經沐

浴邦憲昇官周京亦恢廓徽猷任佐誠請時皇帝方垂拱璇

淵之中以思太化故書奏不答道士孟安排者元稟眞骨記

上階黃裳羽袂囊中竊感蒼梧遺化長沙舊寢不可以不昭

一作明

發聖世復重理前狀伏奉闕下至於再三天子乃憫然

遷思迴慮旌別斯觀錫名曰大崇福焉時龍集己亥聖麻之

二年也翌日又優制褒崇特降銀榜仙書鳳篆飛集王官一作

宮天文昭回瑞我鄴鄧則有踰岐山越梁境梯衡霍浮瀟湘  
 蠻荆門麗江徼莫不翼載林舞藻雪心日者已安排乃喟然  
 嘆曰道惡乎在名惡乎在茅茨文軒未始離也朱宮閭闔未  
 始乖也損之而又損之思乎思無爲而無不爲知乎知則我  
 何拘於常見哉而不謂熙帝庸也遂經玄都爰伐琴瑟作爲  
 仙觀之宮文彩備極賦仗砌階櫺棋森鬱以宏藻井龕施天  
 開瑤瑤躋於上清銀闕表於中界高步元雲肅然靈風鬋鬋  
 紫陽之天也然後璇題顯曜金格道相朝浮彩雲夕泣清露  
 眇哉邈乎信皇靈之所感發矣蓋金簡玉牒可存而不可知  
 崑崙方壺可聞而不可階也猶且曰道錄貴乎真經況皇明  
 帝載昭鑠日月而已乃刊作記以傳罔極

陳子昂撰聖歷二年崇福觀未詳所在

金石存佚考 按舊唐書吳士讓傳

及新書外戚傳士發字信世并州文水人武德中歷荊州都督貞觀九年卒咸亨中贈太原王光宅元年九月追尊為魏王十月追諡忠孝永昌元年二月尊曰周忠孝太皇天授元年九月追尊曰太祖孝明高皇帝長壽二年九月追尊曰無上孝明高皇帝先天中詔削士發偽號仍為太原王此當武后革命時長史等以士發嘗都督荊州希旨上請立觀建碑而作

### 玉泉寺大通禪師碑

存分書  
在當陽

### 唐國師玉泉寺大通禪師碑

中□□□□□范陽張說文

黃門侍郎范陽盧藏用書

上二行在  
標題下

謨夫扶四大者成乎身矣立萬彙者主乎□□□□□即

身見空始同妙用□非實也觀心若幻乃等真如名教入焉

妙本乖言說出焉真宗隱故如來有意傳要道□持至德萬



劫而□付灑印一念而頓受佛身誰其□之實大通禪師其人也禪師尊稱大通諱神秀本姓李□□尉氏人心洞□□懸解先覺身長八尺秀眉大耳應王伯之象合聖賢之度少爲諸生遊問江表老莊□旨□易大義三乘經論四□□儀說通訓詰音參吳晉爛乎如襲孔翠玲然如振金玉旣而獨鑒潛發多聞徬弛速知天命之年自拔人間之世企聞蘄州有忍禪師禪門之灑喻也自菩提達摩天竺東來以灑傳惠可可傳僧璨璨傳道信信傳□忍繼明重□相承五光乃不遠遐阻翻飛謁詣虛受與沃心懸會高悟與真乖同嚴劃捐妄識□見本心佳寂滅境行無是處有□而成卽然燈佛所無依而說是空王灑門服勤六年不捨晝夜大師歎曰東山之灑盡在秀矣命之洗足引之並坐於是涕辭而去退藏於

密儀鳳中始繇玉泉名在僧錄寺東一里地坦山雄目之日  
此正楞伽孤峰度門蘭若蔭松藉草吾將老焉雲從龍風從  
庸大道出賢人覩岐陽之地就去成都華陰之山學來如市  
未云多也後進□以□□有趨四禪昇堂七十味道三千不  
是過也爾其開濶大略則專念以息□□力以攝心其入也  
品均□□其到也行無前後趣定之前萬緣盡間發惠之後  
一切皆如特奉楞伽通爲心要過此以往未之或知久□年  
禪師春秋高矣□□而來跌坐觀君肩輿上殿屈萬樂而稽  
首洒九重而宴居傳聖道者不北面有盛德者無臣禮遂推  
爲兩京灑主□□國師仰佛日之再中慶優量之一現然□  
都邑□其祕旨每帝王分座后妃臨席鵲鷺四布□□繞  
時熾炭□□□□嚙而心降時□飢投味□告約而義領一

雨溥□於眾緣萬賴各吹於本分非夫安住無畏應變無方  
者孰能□□乎聖□□宗□□代積當陽初會會之所置寺  
日度門尉氏先人之宅置寺曰報恩幟間名鄉比德非僥局  
厭諠輦長懷虛壑累乞還山旣聽□□□□□憊無他患苦  
報散神全形遺力謝神龍二年二月廿八日夜中顧命扶坐  
泊如化滅禪師武德八年乙酉受具於天宮至□□□□  
□於此寺蓋僧臘八十二生於隋末百有餘年未嘗自言故  
人莫審其數也三界火心四部冰背橫崩梁壤雷慟雨泣凡  
諸寶□□□□□故其喪□□□視□詔使弔□侯王歸贈  
三月二日册諡大通展飾終之義禮也時厥五日假安闕塞  
緩反葬之□□□宸駕臨□□□□□□□伊水羽儀  
□設至山□仲秋旣望還詔將下帝謂先許冥遂宿□□□

卿□□□□城門郎護監喪葬□□□□□□□□龍門□

□觀登高停蹕目盡迴輿自伊及江扶道哀候幡花百輩香

雲千里維十月哉生□□舊居後崗安神□□□□□□□□

□□□<sub>巨鐘</sub>是先帝所鑄羣經是後皇所錫金觴御題□典

□□塔寺尊遠稱標絕初禪□□□□□□□□南□日氣積

晦於禪山縈蓮寄生於□樹則雙林變色泗水逆流至人違

代同花異□□□□哭也在龍花□設大會□□□□□□

□□□□□□□□道場如□會時萬□菩薩乞施後宮

寶衣盈廂珍價敵國親□□□□巡香其廣□□因存歿

如此□□□□□□□□□□□□□□□□□□遣

失恨踊塔之遲開石城之歎也不孤廬□□□□□□作竊□

□□貢之論夫子也□□□□□□□□□□□□□□□□



年二月二十八日化滅是年仲秋既望詔太常卿鼓吹導  
引城門郎護監喪葬按舊唐書方技傳神秀姓李氏汴州  
尉氏人居當陽山則天間其名敕置度門寺以旌其德中  
書舍人張說嘗問道執弟子之禮卒謚大通禪師又於相  
王舊宅置報恩寺岐王範張說及徵士盧鴻一皆爲其碑  
文今岐王盧徵士之碑不可得而說所爲碑文巍然獨存  
是可貴也又張說傳云元宗卽位召爲中書令封燕國公  
是碑結銜已稱燕國則立碑之年在先天以後矣又文苑  
英華唐文粹載此文有與碑互異之處豈入石後復有改  
正耶唐尉氏縣隸汴州陳畱郡碑稱師爲陳畱尉氏人與  
史稱汴州其義一也

湖北金石詩注

右玉泉寺大通禪師碑在當陽禪師諱神秀姓李氏舊唐

書有傳稱神秀以神龍二年卒有詔賜諡曰大通禪師岐王範張說盧鴻一皆爲其碑文此碑卽說所撰也碑後半已殘泐前半完好大略如傳所言

天津讀碑記續

右玉泉寺大通禪師碑張說撰盧藏用分書在當陽縣西廿三里度門寺訪碑錄謂在荆門者非神秀卒於神龍二年二月至十月而反葬未見立碑年月訪碑錄作開元十年四月案張說署銜尙存一中字盧藏用署銜稱黃門侍郎考張說傳睿宗卽位遷中書侍郎景雲二年轉尙書左丞罷知政事盧藏用傳景龍中爲吏部侍郎遷黃門侍郎轉工部侍郎尙書右丞是此碑之作當在景雲初也傳又云先天中坐托附太平公主流配嶺表太平賜死通鑑書於開元元年傳又云開元初起爲黔州都督長史未行而

卒尤不得系以開元十年矣豈此文後越十年而始入石耶然不見於碑不知孫氏所據姑以撰書人署銜爲證次於先天之前碑末有小正書一行曼惠無開元字是後人所識非當時原刻也輿地碑記曰荆門軍有玉泉山大通碑云唐神武皇帝所題孫氏系諸開元謂在荆門或卽因此惟此碑並非御題當是別一碑大通碑固有三耳神秀舊書有傳碑載較詳傳云汴州尉氏人知碑尉氏上所缺爲汴州二字傳云於相王舊宅置報恩寺碑云尉氏先人之宅置寺曰報恩與傳不同豈一在長安一在汴州均以報恩名額耶神秀於武德八年受具至神龍二年怛化爲八十二年而前云逮知天命之年自拔人間之世則出家時年已五十春秋實一百三十餘年也傳又云中書舍



人張說嘗問道執弟子之禮碑文適在泐處故有口貢之  
論夫子一語又案訪碑錄長安年亦有此碑誤也

西城令息梁嘉運墓誌

行正書  
在襄陽

吊周晉公誌

蓋篆書  
陽文

大唐故朝散大夫金州西城縣令息梁君墓誌

公諱嘉運字子安定人也溫潤怡儀恭愍令譽隨尊巡程從  
父亨鮮騁思文場遊神學圃不意生災鬪蟻禍及巢鷺積善  
無徵乃纓沉痾至愍章三年歲次庚午三月乙亥朔廿一日  
乙酉遘疾終于襄陽縣之私第春秋卅四夫人穎川陳氏隆  
州長史之女也芳儀春正質茂寒松六行莫儋四德無爽既

而奔駒易往浮箭不留春秋七十有五以長安四年八月十五日卒於安養縣之私第以景龍三年歲次己酉十月甲申朔二日乙酉合葬於襄州安養縣界平鄉懷德里之原礼也  
有恐桑海遷變蓮峰化墳乃崇蔡曹遂銘其石詞曰

隱隱遙源坦坦平趾矯矯廬陵含章傑起道有虛盈人非金石秋去墳孤春米草積白日徒照空扉詎闕

道光元年秋襄水北岸圯壞古墓甚夥碑石率散佚僅訪得此碑及夏侯夫人墓誌有唐碑碣荆湖存者蓋寡茲得二石是可寶也因請移置鹿門書院庶其傳之久遠亦以告後之好古者隨時採訪焉

吳式芬跋  
刻碑額左右 此

按梁嘉運墓誌嘉運爲西城縣令之子題書父官誌不複敘與長安三年尙直塋墳銘同例舊唐書地理志山南西

道金州舊領縣六西城漢縣州所理山南東道襄州舊領  
縣七襄陽漢州所理鄧城古樊城也宋故安養縣天寶元  
年改爲臨漢貞元二十一年乃改鄧城元和郡縣志臨漢  
縣本漢鄧州地古樊城仲山甫之國西魏於此立安養縣  
屬鄧城郡周天和五年改屬襄州天寶元年改臨漢縣此  
誌景龍三年尙爲安養縣也誌云字子安定人也定乃定  
字別體元和姓纂梁氏安定望安定連讀則字子二字殊  
不成文或作字子安安定人有兩安字而書者脫其一耶  
金石續編 核總章三年三月乙亥朔則廿一日值乙未  
非乙酉乙酉乃十一日廿一日乙酉則朔當乙丑非乙亥  
考通鑑日錄是年甲辰四月癸卯高宗本紀是年三  
月甲戌改元咸亨是甲戌爲三月朔乙亥乃是二日誌誤  
也又通鑑日錄景龍三年十月癸未朔與此亦不合此誌  
與趙夫人夏氏誌同時出土月日皆枝均有舛錯何耶  
穎川陳氏續編作穎質茂寒松續編作茂質定作定从古  
文正合於六書之指與是同駒作駒作作舊錄作舊均俗

魯作僭俗省  
易作易殊謬

金石志四